



Pedra de Pibara



PROGETU IMOI ETOTU 2

A cincui chilometrus de Gonnos s'agatat Pedra de Pibera, su Parcu Comunal prus mannu de su Campidanu de mesu. In custu parcu, in mesu a is padentis de ilixi e ciuxu, ddoi funt is arrestus de sa mena de molibdenite, chi at acabau de traballai in su 1952.

Is fabricus de sa mena ddus at arrangiaus su Comunu e s'imperant po fai ammostas e atòbius.

In mesu de su parcu s'agatant mesas e logus po si firmari a si pasiai o a papai asuta de is matas, ingiraus de paxi e belleza.

De su parcu si podit pesai fintzas a is puntas prus artas de su Monti Linas, comenti punta Pedra de sa Mesa (1236 metrus) e Punta Cammedda (1214 m).

Pedra de Pibera est aintru de su Camminu de Santa Barbara.